

中國地方志集成

中國地方志集成

乾隆鳳江府志略
民國鳳江縣志書



中國地方志集成

雲南府縣志輯 ④1

乾隆麗江府志略

民國麗江縣志書

鳳凰出版社 ● 上海書店 ● 巴蜀書社

麗江府志略

從來體國經野必先立其規模
使法度紀綱森然皆具而後
事加詳因端竟委制作乃底於
明備書曰若作室家旣勤垣墉
唯其塗漑茨若作梓材旣勤
斲唯其塗丹雘豈非以善作

成相須孔亟然而經營創造之
初意量固已宏遠矣麗江古越
嶺地爲西藏出入咽喉歷朝背
附不常大都羈縻勿絕自我
朝定鼎土府奉職唯謹粵

世宗憲皇帝踐祚之元年仁漸義摩淪
肌浹髓士民嚮化輸誠懇請歸

流內附編氓以親

德化督臣奏准始改設麗江軍民府
以轄府事一切制度煥然維新
誠聲教遠被亘古未有之盛治
也前此歷有循吏至乾隆元年
管守始蒞厥任八年以親老終
養辭去計麗江歸流距今二十

載矣余方巡歷其地見其城池
官廨府庫倉儲學宮壇廟釐然
皆備以至橋梁關扼道路溝洫
及義學社倉無不興舉條理井
然因嘆二十年來休養生息教
誨保聚之道委曲綢繆固已如
是哉是可述而誌也逮管守將

行手彙是編呈請

督院蒙賜序以冠其首及刊刻
既成復屬余紀其顛末余謂誌
者志也在心爲志前人所畱之
典章法物卽後人之規矩準繩
也易云君子以教思無窮容保
民無疆管守經理數年其去也

猶拳拳以是書爲念誠以一郡
之章程旣立則百度之體統綱
維整齊畫一後來因政原心自
無缺失卽因心生政憑藉有基
管守之志其殷念遐荒赤子由
是遂生復性更冀後諸君子宣
揚

聖澤涵濡薰陶以共體教思容保之
意也夫是爲序

乾隆八年十月朔巡察迤西道

朱鳳英題

朱鳳英題

彈劾八平十月晚巡察蘇西首

意也夫吳益亭

聖聖函需薰陶以共蠶蜂思容將之

麗江府誌序

麗江太守管君輯其本府
誌略繕寫成帙親自賫呈
而請序於余余按全滇為
梁州邊徼古西南蠻地也
而麗江尤界極西外與吐
蕃接境號筰都國元時始

改麗江其曰麗江者則以
金沙江得名金江即古所
稱若水一名麗水者是也
麗郡橫亘千餘里鐵橋石
門隔絕外蕃最緝險要蘭
滄怒江出其西而金沙大
江則周遭環繞殆天地設

險以限夷夏者邪漢屬越
雋益州二郡唐宋以來久
為越析麼些諸蠻所據自
元迄明雖添設州縣仍以
土知府領之

國朝猶仍其舊至雍正元年
督撫撫夷民阿知立等呈

請於

朝改土為流民始安堵方流
府之未設也土知府類多
腹民以逞而貪暴淫恣施
之夷民者倍甚凡玉帛金
珠子女狗馬之好誅求者
殆無寧日稍不遂則刑戮

加之民不聊生久矣宜其
哀籲上請願歸

聖化也是時予任楚雄郡守故
於更易建置之由得悉其
大略嗣筦糧儲歷藩臬洊
陟制撫皆在滇南深知麗
江實為滇省藩籬而蒞茲

土者之不易也麗府例湏
題補予於屬員內選得管
君到任後來謁見細詢其
人民風俗乃知二十年來
休養生息涵濡已久

今天子登極加惠元元公件等
項皆從裁減以故城郭有

脩耕牧有資農歌於野士
習於庠駸駸乎變椎魯而
進於文明彌嘆

聖朝之德化乃真無遠弗届也
可謂盛矣因復念麗江僻
處極邊歷代以來亦止羈
縻勿絕且向隸土司犵獠